



旗扇

「禎伯姆當好意，今年又送兩支旗扇來，你愛無？擎支轉去。」天時冷咧，阿姆一頭問
 僮，一頭像收麼个寶貝樣，摺旗扇抹到淨淨，用塑膠絡仔裝起來。

「好啊！」僮隨口應應仔，心早就飛轉到頭擺頭擺个年代。

「扇仔撥啊撥，鬚仔抹啊抹，扇仔跌啊忒，鬚仔嘎打結。」老弟擎支扇仔，學該阿丑又
 講又扭，歸屋人看到哈哈大笑！阿姆一頭用旗扇擎佢个尿脰，一頭帶等痛惜个笑容罵佢：「恁
 大人咧，無一滴正經！」該時个熱天暗晡，係仰般个快樂、難忘。

吃飽夜，家家戶戶就兜著凳仔排在店亭前，大人坐交椅、凳頭，細人仔在爺衰个腳脣坐
 矮凳仔，大人一頭摺隔壁鄰舍打嘴鼓，一頭撥扇仔，毋過，扇仔總係撥在腳脣細人仔个身項，
 一下一下還愛問：「有蚊仔無？」僮兜一片聽大人你一句、佢一句，講等細人仔聽無幾識个話
 語，一片享受等旗扇一陣一陣涼沁涼沁个風，毋多知、毋多知就憑等阿姆睡忒咧。

僮公最生趣，一到熱天，總係著條水褲頭，打等赤膊，旗扇毋識離身，歸日坐在交椅頂
 扇仔撥無停，成時看佢像人睡忒咧，旗扇還係慢慢搖啊搖，毋識跌落泥下。無撥扇仔時，就
 看著佢摺旗扇插在背囊个水褲頭頂，行上行下，扇仔也毋會跌下來，長下想摺佢開個玩笑，
 偷偷在後背摺佢个扇仔擲出來，看佢知無？毋過，平常少講、少笑个阿公在屋下盡有威嚴，
 無人敢在「太歲頭那頂高動土。」這係五十年前个事情咧，一轉眼，阿公過身也有三十零年
 咧，佢个身影，還真真留在僮个眼前、心肚！

「旗扇盡好用，做得撥涼又做得逐蚊仔，下把有錢乜買毋著。」阿姆擇一支最新最亮个
 分僮。僮知，拿轉去俵仔一定會講僮拿兜垃圾轉來，有冷氣、有電扇个時代，麼儕還用扇仔！
 唉！佢後生到連「旗扇」个名就喊毋出，仰會體恤著阿姆摺旗扇个感情，還過旗扇背後濃厚、
 溫暖个親情。

作者：張美容

☆詞彙學習☆

【塑膠絡仔】sog gau` log er：塑膠袋。

【憑等】pen+ den`：靠著。

【鬚仔抹啊抹】si` er mad a+ mad：鬚子捋
 一捋。

【水褲頭】shui` fu` teu：寬大的內褲。

【一下一下】rhid ha+ rhid ha+：一下子一
 下子。表示某事進行的頻率很多、很頻繁。

【最亮】zui` lang`：最平整。

【真真】zhin` zhin`：清清楚楚。

☆文法學習☆

【仰般个快樂】：多麼的、無比的、何等的快樂。「仰般个」表示到最高等級的程度。為了
 加強語氣，通常「仰」字要讀成本調 ngiong`，不讀變調 ngiong+。

例1：看著你平安轉來，僮仰般个暢。（看到你平安歸來，我多麼的高興。）

例2：為著考第一名，佢仰般个煞猛。（為了考第一名，他多麼的用功。）